

etiano Sco-

/ *R. Tappel-*

re canzoni
dato dieci
) degne di
o settanta
no ancora
impollate.
itta; sarete
i dei venti

- Casa Ri-
one.

'A PIZZARIA 'E DON SAVERATORE

*Parole di Salvatore Di Giacomo
Musica di Vincenzo Valente*

Vì che folla s'è fatta cca' nnanze!
Neh, scusate, e 'a do' vene st'addore?
È 'a puteca 'e don Saveratore
c' accummencia stasera a ngnà.

Mette 'a coppa, dicitele forte!
Carta 'e Francia, lampiere e spicchiere!
E nun sulo a vedé fa piacere,
ma dà pure cchiù gusto a pruvà!

Servicciolle e cammarere,
si 'a signora vuol gustare,
vuie purtateme 'e panare
ca p' 'o riesto ce penz' i.

Comme l'acqua che scorre
d' 'a funtana ca sta
nnante Palazzo,
ccà scorre ll' uoglio e 'a nzogna
ncopp' 'e pizze!

Ohé!

Sartulella, surdato e studente!
Sculariello ch' 'e fatto filone,
nun di no nnanz' 'a pizza e 'o cazione!
Viene, azzeccate! Azzeccate ccà!

Si o guaglione ca scenne d' 'o masto
quanno passa 'a cea nnanze sperisce,
'a cuntessa purzi scevulisce
quanno sente sta pasta ammaccà...

Servicciolle e cammarere,
si 'a signora vuol gustare,

vuie purtateme 'e panare
ca p' 'o riesto ce penz' i.

Comme l'acqua che scorre
a 'a funtana ca sta
nnante Palazzo,
ccà scorre ll' uoglio e 'a nzogna
ncopp' 'e pizze!
Ohé!

Nun è overo c' 'a pizza fa male,
nun è overo c' abboffa 'e burelle:
ccà s'a manna a fa Cardarelle
e pe cura 'e malate 'a vo dà.

E 'a maesta, si sta dint' 'e cunte
e se magna na pizza 'a semmanà,
figliarrà senza manco 'a vammanna,
e nu mascolo 'e figlio farrà!

Servicciolle e cammarere,
si 'a signora vuol gustare,
vuie purtateme 'e panare
ca p' 'o riesto ce penz' i.

Comme l'acqua che scorre
a 'a funtana ca sta
nnante Palazzo,
ccà scorre ll' uoglio e 'a nzogna
ncopp' 'e pizze!

Ohé!